

Bonu idricu integrativu, ativu su situ www.bonusacqua.it

Est ativu su situ www.bonusacqua.it, su portale a su cale sos utentes podent atzèdere pro dimandare su **bonu idricu integrativu pro su 2021**. Su bonu est un'agiudu postu a dispozizione dae s'Egas (Ente de governu de s'àmbitu de sa Sardigna) a favore de sas fàscias de utèntzia dèbiles residentes in sos comunes servidos dae **Abbanoa Spa**.

In particulare, s'importu de su bonu est de **25 èuros** pro ogni cumponente de su nùcleu familiare in presèntzia de unu ISEE non superiore a **noe mìgia èuros**, mentres si colat a **20 èuros** in casu de ISEE cumpresu in sa fàscia de in prus de **noe mìgia èuros** e intro de **binti mìgia èuros**.

Pro presentare sas dimandas de ammissione a su bonu b'at tempus finas a su **31 de maju**. Sas rechestas, cumpiladas comente si tocat e acumpangiadas dae còpia de documentu de identidade, de s'ISEE e de una bulleta riferida a s'utèntzia pro sa cale si dimandat s'agiudu, podent èssere presentadas **on line** in su situ www.bonusacqua.it o deretu a manu in **s'ufitziu protocollu de su comune pròpiu de residèntzia**. A su comune pròpiu est possibile, in prus, imbiare sas rechestas pro mèdiu de sa **pec** o pro **racumandada A/T**.

Pro ocannu s'Egas at istantziadu a favore du su bonu idricu integrativu in totu **duos milliones de èuros**, partzidos tra sos **346** comunes chi faghent capu a **Abbanoa**, in proportzione a sa populatzione e a sas dimensiones de su territòriu comunale.

Sunt ammitidos a sa misura BONU IDRICU INTEGRATIVU 2021 sos nùcleos familiares titulares de utèntzias deretas o residentes in un'utèntzia indereta chi appartenent a sa tipologia "Impreu domèsticu residente" chi:

- siant residentes in unu de sos comunes gestidos dae Abbanoa SpA;
- epant unu cuntratu de frunidura de su servìtziu idricu integradu;
- epant un'indicadore ISEE ordinàriu non superiore a su limite de 20.000,00 èuros.

Traduzione de s'operadora de s'isportellu linguìsticu de Romana

Maria Leonarda Correddu